

Amra Junuzović – Kaljić
Zastupnik u Skupštini Kantona Sarajevo

Sarajevo, 20.04.2020. godine

Kanton Sarajevo
Vlada Kantona Sarajevo
Ministarstvo komunalne privrede i infrastrukture Kantona Sarajevo
Skupština Kantona Sarajevo
n/r Predsjedavajući Skupštine Kantona Sarajevo
n/r Sekretar Skupštine Kantona Sarajevo

Predmet: Zastupnička inicijativa za rješavanje pitanja proširenja Gradskog groblja Vlakovo i izgradnju krematorija

Poštovani,

U skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj 25/10, 14/11, 19/11, 7/12, 26/12), upućujem zastupničku inicijativu prema Skupštini Kantona Sarajevo u vezi rješavanja pitanja proširenja Gradskog groblja Vlakovo i izgradnju krematorija.

Kako se svake godine povećava broj ukopa na Gradskom groblju Vlakovo (2016. – 1.608 ukopa, 2017. – 1.744 ukopa, 2018. – 1.752 ukopa, a do kraja 11/2019. – 1.631 ukopa), koji je jedino aktivno gradsko groblje, kojim upravlja KJKP „Pokop“ d.o.o. Sarajevo, neophodno je ubrzati rješavanje otkupa zemljišta za potrebe proširenja groblja Vlakovo, sa uređenjem istog prema izvedbenoj dokumentaciji, koja je urađena u skladu sa regulacionim planom Gradskog groblja Vlakovo. Proširenje groblja Vlakovo bi obezbjedilo kontinuirane ukope, također kako bi se osiguralo trajno rješenje navedenog problema, potrebno je da Zavod za planiranje razvoja Kantona Sarajevo, na osnovu statističkih podataka svake godine planira aktivnosti proširenja i uređenja groblja i u skladu s tim planira ovu stavku u Budžetu KS.

U Strategiji Kantona Sarajevo 2016. – 2020. predviđeno je 22.050.000 KM za unapređenje komunalne infrastrukture KJKP „Pokop“ d.o.o. Sarajevo („Službene novine Kantona Sarajevo“, 41/16), a do sada je u te svrhe izdvojeno samo 1.250.000KM.

Izgradnja krematorija sa komemorativnim centrom, mrtvačnicom i tehničkim blokom je od velikog značaja za Kanton Sarajevo i za BiH za koji postoji veliki interes i potreba, jer građani BiH neće morati posmrtno ostatke svojih najmilijih kremirati u susjednim zemljama. Izgradnjom krematorija i stavljanjem u funkciju riješio bi se veliki rizik od zagađenja i eventualne zaraze, adekvatnim odlaganjem humano – patološkog i medicinskog otpada, jer u ovom momentu nemamo adekvatnu spalionicu za ovu vrstu otpada.

Potreba proširenja Gradskog groblja Vlakovo i izgradnja krematorija su od općeg društvenog interesa i zahtjevaju hitna rješenja.

S poštovanjem,

Amra Junuzović-Kaljić
Zastupnik u Skupštini Kantona Sarajevo
Nezavisna bosanskohercegovačka lista